

Segunda Carta de Juan **Kjibokwo ëre tara Juandë** **Kjibokwo ëre sorë**

Domer shäng kjlara ko Juan. Dënashko ga e Jesús oppingga. Jesús wolono, ga woshrara Sbörë iröng obi irgo ga Juan beno shäng Sbö tjlökwö laga Jesús äska wleniyo shara. Kjibokwo ëre tarashko ga e tjlabla tjän.

Eshko dbaryo ga no kjone kjone to löng tjlökwö bek llëm li lë, Jesús tjlökwö kjrägaga li jyäpgwe e go wlo. E kjïshko ga kjibokwo ëre tara Juandë, Jesús tjlökwö kjrägaga li ber löng sjëk ba tjok wlo.

¹⁻² Kjibokwo ëre taga tja bomi tjlapgarë.

Sbö tjlökwö kjrägaga, kjibokwo ëre ichër jek bomi kong. Pjäy kjrara Sbörë. Tjlökwö bek li kjroroy beno tjeng bi pjlushko, ga ber tjeng eshko iyado. E kjïshko ga pjäy woydër ara, pjäy woyde tjlökwö bek miydagaga löng lirë eni bakoe.

³ Rokër Data Sbö kong, ba Wa Jesucristo kong ga ba wopjlú li kjïshko ga shji mär Sbö tjlökwö bek li go, ga shji ëng woydë ara kar kar wopro ga shji kjimte lok ara, shji songe le iyado, shji ie lok ber löng wlëp bakoe.

Shji ëng woydë ara kar kar

⁴ Roy kuror ga pjäy jëk löng tjlökwö bek li go, shji ichara Data Sbörë sorë li eni. E kjïshko ga tja wopjlú anmoyõ.

⁵ Eni ga pjeyoga, tjlōkwo tēr shäng bomi kong shäryēmi wlo ère, e tjlōkwo tjaqlèn totē llēme. Dämärshko ga tjlōkwo ère twaraba bi kong. Lër bomi kong ga pjây èng woydos ara kar kare.

⁶ Ga shji èng woydē wlo ga woyde ga tjlōkwo lara Sbörē bi kong shäryēy wlo li shäryēy eni ñyado. Shji èng woydē laga Sbörē bi kong tek dämärshko dwayo.

⁷ Nopga ara to löng kjok ère kjing go oba jyāpgwē. Tjlē ga «Jesucristo shrono kjok ère kjing go no wleni llēme» le löng eni. Èye tjlē eni ga e Cristo wloyo.

⁸ Pjây pak shäryono ara, ga pjây potjwlëkklo tjok. Gueniyo pjây sjëk, pjây jyāpgwe lok llēm wlo, bomi potjwlëkklo li jer llēm wlo.

⁹ Èye oblē ping woydē, shji pina Cristorē sorē li kjinmo le wleni ga shäng mär Sbō go llēme. Èye jëk shäng tjlōkwo pina ba kong li go ga mär shäng Data Sbō go, ba Wa go bakoe.

¹⁰ Èye äär bomi shwoy ga Cristo tjlōkwo bek ère le bomi kong llēm ga wlokjrēmi bomi ushko llēm, «Miga» le bomi kongshko ga «Kjobe» lēmi ba kong ëmdē llēm bakoe.

¹¹ Èye omwlokjrono ga shäng ba pak owa li shäryē ba tjok wleni.

Kjibokwo pjirzlong

¹² Tja llēbo lē woydē ara bomi kong, gueniyo tēr woydē kjibokwo go llēme. Pjây ñn woydē, shji lan èng tjok wlo, shji ber löng wopjlú anmoyō wlo.

¹³ Bomi pjeyoga Jesús tjlōkwo kjruga, kjrara Sbörē wleniyo li, «¿Pjây yonde?» le bomi kong.

**Sbö Tjłõ^{kwo}
New Testament and Shorter Old Testament in Teribe
(PM:tfr:Teribe)**

copyright © 2008 Wycliffe Bible Translators, Inc.

Language: Teribe

Translation by: Wycliffe Bible Translators, Inc.

Teribe [tfr], Panama

Copyright Information

© 2008, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Teribe

© 2008, 2007, Wycliffe Bible Translators, Inc.
All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

PDF generated using Haiola and XeLaTeX on 28 Dec 2024 from source files
dated 29 Jan 2022

539cf8e3-01bf-5f34-8833-610f18367f8c